

26. september 2019

UKA2019/154

Ilinniartut ineqarfii pillugit Namminersorlutik Oqartussat inatsisaat nr. xx, xx. xxx 2019-imeersoq
(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Siumumiik anguniarparput siunissami meeqqat atuarianniik naammassisut tamarmik ilinniakkamik naammassisaqartalernissaat. Tamanna anguniarlugu qinigaaffik kingulleq atuartitaanerup ilinniartitaanerullu ataqatigiissumik aaqqissuuteqqinneqarnissaa suliaakkiissutigivarput.

Qularnanngitsumik tamatta nuannaarutigisatsinnik ilinniartutik naammassisartut amerliartuinnarput sulilu amerliartuinnassallutik kollegianik amigaateqarneq annertunerusumik iliuuseqarfigingutsigu, tassami ajoraluartumik ullumikkut takusarpagut kollegiassaaleqineq pissutigalugu ilinniarnermik taamaatitsisoqartartoq.

Nunatsinni ilinniartunut kollegiassaaleqineq annertoreeraluartoq ilisimavarput ilaqtariittut ataatsimut akissarsiakkaangaluarlutik kollegiani akikitsumik najungaqartoqartartoq. Siumumi isumaqarpugut maannakkut Naalakkersuisut siunnersuutigisaat tassalu inoqtigiiit ataatsimut isertitaannik isiginnilluni akiliummik annertussusiliisalernissap kingunerissagaa amerlanerusut ilinniarnermik aallartitsisinnaalernissaat.

Sineriammi isorartoqisumi ilinniartunut atugassarititaasut assigiinngitsorujussuusinnaasarput assersuutiginnarlugu kollegiaqarneq qiviassagaanni. Kollegiat imal. Inissiat ilai aserfallassimasorujussuusarput ilaallu nutaarluinnaallutik taamaakkaluartoq akiliutit ullumikkut ilinniartunut assigiipput. Tamanna tunngavigalugu kollegiat imal. inissiat qanoq aserfallassimatiginerannik tunngavilimmik akiliuteqartalernissamik siunertaqarneq Siumumiik taperserparput taamatullu ilinniartut akiitsoqalernissaasa pinngitsoortittarnissaanik suliniuteqarneq tamakkiisumik taperserlugu.

Siumumiik taamatut oqaaseqarluta siunnersuut aappassaaneerneqartinnagu ataatsimiititaliami susassaartumi misissorluarneqarnissaa innersuussutigaarput.

Doris Jakobsen, Siumut